

Transkription von Stadtbucheintrag KIL 1499g

Ort, Datierung: Kiel, 1499-1500

Signatur: Stadtarchiv Kiel, Das Erbebuch 1411-1604, S. 140/b

Inhalt: St. Nikolaikirche Kiel: Erbenspruch; Marquardt Erp: Erbenspruch; Clawes Wulve:
Erbanspruch; Hans Schutten: Erbenspruch

Dat Erue bolegen is In der kuterstrate dat aldus lange / hefft tobohoreth Detleff selmer vnnd(e) sinen Eruen / horet nu qwith vnnd(e) frigh den karcksuaren der karcken / sanctj Nicolai tor tidt wesende In der sulue(n) karcken / behoff myt allem rechte tobohoringe vn(n)d myth aller / frigheith zo dat In sinen Endeschedingen bolegen is vnnd(e) / detleff selmer vn(n)d sine Eruen dat frigest boseten /

Dat Erue bolegen In der densschen strate dat aldus lange / hefft tobehorth henneke kulen vnnd(e) sinen Eruen / horeth nu qwith vnnd(e) frigh marquardt Erp vn(n)d sine(n) / Eruen myth allem rechte tobohoringen vnnd(e) myth aller / frigheith zo dat In sinem Endeschedingen bolegen / is vnnd(e) henneke kule vn(n)d(e) sine Eruen dat frigest / boseten hebben de renthe vynth men In deme pantboke / ¹

Anno dusenth vifffhunderth /

Dat Erue bolegen In der flemesschen straten dat alduslange / hefft tobehorth Jaspar tesschen vnnd(e) sine(n) Eruen horeth / nu qwith vnnd(e) frigh Clawes wulue deme Burgermeistere / vnnd(e) sinen Eruen myth allem rechte tobohoringen vnnd(e) / myth aller frigheith zo dat In allen sinen endeschedinge(n) / bolegen is vnnd(e) Jaspar tessche vnnd(e) sine Eruen dat / frigest boseten hebben de renthe vynth men In deme pantbok[e] / ¹

Dat Erue bolegen In der bruggestraten dat alduslange hefft tobehorth / Marcus berndes vnnd(e) sinen Eruen horeth nü qwith vnnd(e) / frigh hans schutten vnnd(e) sinen Eruen myth allem rechte / tobohoringen vnnd(e) myth aller frigheith zo dat In allen / sinen endeschedingen bolegen is vnnd(e) Marcus berndes / vnnd(e) sine Eruen dat frigest boseten hefft . de renthe / vynth men In deme pantboke In deme suluen Eruen . / blyuen vnnd(e) synth twe marck geldes Jarliker ewiger / renthe de to der gades ghaue kamen ¹

¹Text im Original durchgestrichen